

# 雲南通志


名宦

末

內閣文庫	
番號	漢 14228
冊數	40 ( 19 )
函號	函 137 3

十九

0 1 2 3 4 5 6 7 8 9 10



英 貴州衛舉人正統十四年任河西縣教諭性剛直不畏權勢時靖遠伯王驥三

征麓川英幼其老帥費財

任 彬 倉溪舉人景泰間任石屏知州遷學官更置社學立童子師有吏目高秉權為

主會刀諒毒死彬當勘訊諒陰行賄賂彬叱拒之正諒罪以清貧不能歸里遂家於石屏


字希玉全州舉人天順間任河西知縣政務長厚不樂聞人過有訟者引至堂

諭以孝弟仁信凡其教類此

黃時中 字宜之麻城舉人成化間任阿迷知州時初設流百務肇舉雖用漢法不失撫

綏深得羣民之心

王朝祿 江津人弘治元年任通海知縣修學舍增倉儲以路當郡衝里甲驛馬之累請



雲南通志 卷之二十一 名宦

更協濟於河西遂  
著為例民頌其德

陳 灝 泰州人弘治間知蒙自縣有才識  
時苦寇擾築城保禦民賴以安

蕭 鸞 廣西人弘治間任岷峨縣編  
置糧差備極勤勞崇祀名宦

朱 琚 字德嘉廬州人進士正德十二年任知  
府性敏而持正郡中盜賊滋起窮其淵

藪率驍騎  
擒剿之

汪 金 字汝礪貴溪人進士嘉靖元年任知府  
性純謹維持綱領勅置學田士林賴焉

錢邦偁 蘄水人進士嘉靖末任知府慈恕得民  
歲儉設粥以濟畿殍訟詞勸息自捐俸

以補厝績除  
一切陋例

何文倬 字東浦福建閩縣舉人嘉靖間任石屏  
知州單車赴任愷愷宜民孫守廉絮入

廟崇  
祀

周世用 貴州人隆慶二年任蒙自縣清操愛民  
去任行李蕭然個舊錫戶以二百金為

贈堅  
卻之

昌應時 字廷佐莆田人進士萬曆三年任知府  
性坦直不屑屑趨承時集臨元諸庠生

評騰文藝藻鑑  
不爽士林仰之

楊翹瀛 貴州人萬曆年任通海知縣  
有才力建縣城民得安堵

李先芬 萬曆間任新平縣始建縣治築鑿城池  
士民感之縣祀名宦遠鄉並建廟祀之

牛可麟 祥符人萬曆十二年任知府秉性樸  
直政尚寬和訟斷一成難不可易

許 莘 字師尹大名人士杭州鞏昌皆有聲萬  
曆間左遷府判嫻於儒術興學儲才治

民慈愛

曾所能

涪州舉人萬曆間知石屏州政務恤民置社倉時亢旱取積貯以賑饑民修陂

塘民至今資其灌溉

蕭廷對

字觀我江西太和舉人萬曆間由國學助敎出守石屏政尚寬平操守廉潔重

農築堰置三社倉儲粟備荒興學課士創立東南北三城樓後祀名宦

朱繼夔

四川瀘州人吏員萬曆間任寶秀巡檢才識練達長於發奸條議建毛木哨以

防標掠請置社倉以菽粟稻梁貯之殊有裨於地方寶秀軍民思之

顧慶恩

吳江人博學能詩天啓四年以徵江別駕署石屏州事政尚寬大崇重文教改

創磚城賊攻賴以堅守

周之相

貴州人萬曆間任河西縣寬賦均役弭盜安民闔邑感其德

李猶龍

字慕慈蘄州人崇禎間任石屏知州值魯名聲叛攻圍臨安州有土人猖亂者

立斃之境內肅然統州人自守賊不敢犯城賴以全

傅厚

任河西知縣濺澤深仁芳聲異政詔崇祀焉

張愷

廣東電白人由選貢崇禎間知嚮城縣識力過人值土司交訖波及嚮民愷非

難解紛請兵鋤暴又賊劫近村親督鄉兵擊之斬三百餘級境內以安土民立祠祀之

秦元穗

由會試副榜崇禎六年任新平縣才學兼優寬猛相濟詳請遷移縣治築建磚

城外艱歸立祠崇祀

朱統鏞

字司恒江西南昌舉人崇禎十二年授臨安府別駕署石屏州事下車郵民疾

苦異龍湖有水壩漁梁壅塞水道鎡令拆去更築堅堤數百丈以砥之湖水東流淤田復壅捐給備值絕不擾民合州永食其利建祠于州前祀之

蔣恒盈

廣西全州人由孝廉崇禎間知嶧峨縣遷建學宮培育人才撫綏彝民崇祀名宦

熊啓宇

字六開江西南昌人崇禎特用授臨安府推官屢遷副使居官廉惠歷著政聲

流賊攻臨城破宇被執罵賊不屈賊義釋之賊屠城橫尸二十餘萬宇率殘民焚瘞為三大塚後民饑乏食設法炊粥而賑者兩月全活甚眾士民感戴建祠祀之康熙二十七年闔郡公牒于督學謝于道詳祀名宦

本朝

張勇

號飛熊陝西洋縣人順治十五年隨師拓滇以經畧右標提督鎮守臨安賞罰

嚴明士卒畏肅會元江復叛各土司搆惑勇單騎入其境慰之遂安定如初勸農重粟興賢下士一意以安民為本陞通省提督調甘肅提督吳逆之亂全陝震動勇獨守忠義晉靖遠侯卒謚襄壯康熙二十七年督學僉事謝于道詳入名宦

澂江府

元

魁

納首建學宮教人禮義

明

胡思

西安右衛指揮洪武十四年平定雲南西平侯奏薦掌澂江府事剪除餘寇無

定葬民勲

勞居多

王

彥

字士俊安福人進士由刑部郎中言事左遷雲南都司斷事正統間陞知府招

流移剷奸弊創設三關募民守之迄今永賴

饒

欽

字汝恭江南祁門縣人進士成化間知府清介不滓力卻路南土官之路巡撫

王恕特薦不報尋以入覲請歸

魯

厚

內江舉人成化間知路南州創社學以教閭巷子弟增重樓于州城之外禦暴

賴

晁必登

字汝吉宜賓人進士弘治間任通判時徵守貪暴人情洶洶必登以廉佐之屬

邑之民充板橋江川驛籍者難於奔應多破產逃亡乃建白徵銀解驛遂令賴焉政暇與

諸生講易尤長於詩攝篆廣西曲靖尋遷武定同知皆有遺愛人儉祀之後陞本省僉憲

按部至徵衢而羅拜歷陞本省右叅政

唐

臣

字堯佐營山人進士嘉靖間知府誠懇清謹自奉薄而厚恤民政暇手不釋卷

延諸生討論築西街城設東溪舖正德癸酉陞兩淮運使檄至已卒巡撫范鏞檄崇祀

劉

傑

臨汾舉人正德間知府明敏果斷謹斛量定商稅均里役稱平政焉

童

壘

字國信連城舉人正德間知府始至以郡治弗利改遷于陽博山移學于郡治

舊基仍以舊學為仰山書院郡東北有溪每值霖潦為害壘築隄東谷障之北流築郡城

樹蔗樓移屯倉政績最多

計朝聘

字莘夫成都舉人嘉靖間任知府值歲不登捐俸賑民寬徭省刑開田三千畝

鄒國璽

字南華隆慶間任路南州築壩開河士民永食其利祀名宦

王良臣

字天民寧羌舉人嘉靖間知府才識練達吏事明敏別郡疑獄多受成焉在任

禮賢崇學設樂舞拓文廟

徐可久

字有功馬平人萬曆間任知府遷郡治築磚城闢銅路開河道義倉社學久廢

俱與陞本省屯田副使

林焜章

莆田人萬曆間任知府清慎愷悌置義學六以訓郡之童蒙遇有好盜化以廉

恥不事鞭笞凡有勾攝即付告人不遣隸卒以外艱離任士民思之

郎文煥

浙江奉豐人萬曆間以民部郎陞知府養士愛民剔弊釐奸河陽有額外夫馬

之科重為民因調議革除勒石縣儀門外今存

柳芳陽

四川宜賓舉人萬曆四十五年任新興州愛民課士勦捕彘賊立祠以祀

張維

山西蒲州人天啓間知河陽縣居官清正革除火耗絕請托與知府郎文煥廉

正相得民受其福

李以袞

浙江縉雲人以廕官崇禎間任知府赴澂之日其祖訓之日宜崇文行重學校

謹倉庫修城池教養士民至澂之日紳士謁見即以祖訓告之乃延士立課親閱文藝接

識英才新學宮修城濬池增置砲樓二十座防禦多資

周應

貴州興隆人任通判有磨畧謙恭下士適知府李以袞致歸應署府印寧州土

官祿昌文部目李蒿鵠王尊縱士卒掠東市應命僚屬守城單騎詣之諭以利害詞氣嚴

正賊眾畏服解去敬人賴之

武定府

元

安

慈

武德將軍與子弄積俱有功于武定

明

董

旻

字子仁樂平人進士成化中官都給事以直言朝政忤旨謫官石白縣奉職公

勤明于折獄片言而決人無冤抑焉時以土人猖獗賊盜蜂起旻練民兵防禦使遠近相為保聯遂致萑苻絕警土人不敢跳梁後以循良茂著不次超擢陞布政司叅議居民至

今追思之

劉宗寅

江西人隆慶間任知府因土彝不時侵叛民無寧宇首創城郭以捍禦之又請

立學建廟教化以興士民戴德

鄧世彥

湖廣人隆慶間任本府同知時值土酋鳳繼祖倡亂世彥贊畫盡心輓運無誤

用能以次剿平民鮮失所焉又創建府治城垣樓櫓地方賴以保障兵燹之後瘡痍未復彥撫綏盡心省刑薄賦招集流亡寬釋脅從善政居多一時漢彝帖服至今頌其功德感

嘆不

趙

紆

山西人舉人天啓六年任武定府知府剛方廉正不喜阿諛不避權倖在郡修

學崇文旌揚孝弟禮待高年民知齒讓又勤農恤訟蒞政三載遠近皆呼為趙青天後以循良薦陞廣西蒼梧道士民思其遺愛勒石建祠以祀紆立命毀之其介性類如此去之日攀轅臥轍有送至百千里外者



廣西府

明

賀勳

字世安湖廣湘鄉舉人成化間任郡守時初設流官勳至建城垣修學校立廨

舍惠農通商正風俗弭盜

賊後陞叅政仍攝府事

孫从

吉水舉人弘治間知彌勒州設流之初多所創建制土司安反側民賴以寧

華剛

貴州都勻人正德間知彌勒州明察英殺十八寨賊首阿勿等聞其名畏之輸

納通稅期月之間政令大行

張佐

湖廣武昌舉人正德間任彌勒州持躬廉介政平不擾平十八寨運籌有方

解一經

山西交城舉人嘉靖間任知府恬靜廉潔在任七載清白無瑕此回饋遺不受

土舍昂濟追送銀馬力卻之

許侶

號號田河南靈寶人嘉靖間任知府實心惠愛剔蠹釐奸民皆稱為許父臨行

以一籬格植于衙中枯木自活杉陰喬茂

辜用琥

南昌舉人嘉靖間任知府携一僕自隨清慎恬澹革土司常例省里甲夫馬靖

盜息民豪猾斂跡蒞政四載民無欺罔庭無訟獄以養母致政民咸思之

李崧

號肖梧四川內江人嘉靖間任歸宗州甫下車嘆曰以數十家窮彘當一荒州

其何以堪雖然官守有常吾知奉職已耳去弊興利愛民如子自奉澹泊粗糲妻子衣布

陞任士民保留在任九載賢聲茂著比陞大理同知民追送百里泣涕之聲徹於道路立

之祠祀

**戴時雍** 字逢堯江西浮梁人進士隆慶中任知府改築磚城約已省刑勸農課士民懷

其德立祠祀之

**陳忠** 字良甫直隸獻縣官生萬曆間任知府廉潔自守饒才畧擅經濟建永惠壩開

東西兩河附近田土盡為膏腴修築三鄉城沿江渡口設哨兵又令戍卒墾荒且耕且守

道路以寧

**李啓** 湖廣舉人萬曆間任彌勒州約已惠下勤恤民隱築堰壩興水利民食其福

**錢秉元** 江南吳縣官生萬曆間任知府省事愛民捐俸買彌勒州古城田充師生費置

漏澤園民懷思之

**張光宇** 字懷谷山西太平舉人萬曆間任知府秉公直敦風化立旌善申明二亭民咸

警服興學勸農增修堤壩陞山東轉運使民如失父母

**蔣時極** 廣西全州舉人萬曆間任通判廣西為三郡交界風稱賊巢時極威名素著諸

土司聞來防守皆傾心往迎于百里外雖鴛鴦之會亦望風歎見申號令明賞罰不煩兵

甲葬民善警服

**蕭以祿** 江西清江舉人萬曆間任知府課士傳經講論無倦遷學宮于三台山麓創鶴

麓書院事關學校靡不殫心省刑薄斂善政甚多又修志類若干卷士會會者輒騷擾江

外率師擒之諸彝畏服

**張繼孟** 字太巖陝西扶風進士初為御史以剛方觸忌外遷郡守崇禎辛未署巡道併

正直嚴明與文講武會會途妻萬氏據阿迷不下屢議招撫往者輒被害繼孟單騎至息

辛河賊大揚兵恐之繼孟直入賊營諭以利害賊遂乞降調四川郡人肖像以祀

王勵精 陝西拔貢崇禎間任通判莊儉仁恕折獄明敏歲大旱自責禱雨立降米騰貴

市無糶者拆銀帶易米減價賣市中富民感激各出所食米以糶存活甚眾郡人至今思之

元江府

元

寒 賽 徹里路總管初賽遣姪刀盪入貢為元江判官度宗顯所誣行省遣都元帥述律杰諭以大義寒賽感慕遂備珍貢增差賦置驛傳比于諸路

刀 代 元江路安撫使大德五年從征八百有功陞元江路總管勇鸞過人部彝畏服

時洞蛟為孽代挾利劍入洞頭之水盡赤代與蛟俱死蛟患息沿河始得耕種民感其德每歲祀以中牢

明

汪 輔 雲南後衛指揮同知嘉靖間署府事政務便民有控訴至者訓以禮讓至于軍

衆以嚴明御之毫不可犯

大理府

漢

元杜

軫 成都人舉孝廉為建寧令風化大行漢彝悅服累遷尚書郎

唐

雲南通志

卷之二十一

名宦

三

楊佑 南詔清平官封長州郡公撫治本郡蠻民敬畏之

元 ...

郝天挺 參政至元二年建大理儒學興起教化

高斌祥 字廷瑞大理人北勝知府明王珍寇境祥率兵破之又生擒品甸偽王以功陞

雲南行省中書右丞

明

趙彥良 字明善吳興舉人洪武間任通判剛介有文學修大理志要先任劍川州判與

除中寮州人思服

張鐸 在推官以廉稱

鄭禕 合肥人洪武初調大理衛指揮使增拓舊城經畫之功居多

賴鎮 洪武十五年征雲南以功陞大理衛指揮同知二十年調洱海衛訓練士卒守

禦有方畧與表義齊名

蘇守正 洪武間知趙州庠較祀典壇壝皆其開創後卒於官

諸葛伯恒 洪武間任趙州吏目廉謹有文學秋毫不擾於民月俸不春而食布政司

張統薦之官至參政

賈銓 耶鄆人進士正統二年任知府南下車以郡中利弊詢父老用徭賦水利盜賊

之類一一得之以次綜理民皆樂從陞本省參政

何宗魯 豐都舉人景泰間知浪穹縣剛直不苛歲饑出粟全活甚衆

蔣雲漢 字天章重慶人進士成化十一年任知府廉以約已仁以恤民制文廟樂舞器

日進諸生誨之去任行李蕭然官至福建布政使

吳晟 弋陽人進士弘治末任知府快弘直諫人不忍欺一日雨行輿夫忽蹶傾其輿

晟不動色喚食奩取糕食之曰汝饑耶聽訟獨斷吏不得為奸時召諸生瘠其本業戒嬉

遊後遷參政士民遮送泣下

李秀實 永興舉人弘治間知太和縣丰采凜然豪強斂首讞獄決疑罪者咸服

楊樊 貴州舉人弘治間知太和縣有能稱時辭宇傾圯擬修之其費以千金計工以

萬計樊曰姑已之待明年人莫詢其意春正月即論民應造版籍各令校賦樊察舊事吏算里書應索民數千金疲於候命者萬人樊乃親督造寫毫末不遺仍借此佐解宇之役

人役力一工歛科石一片民視在昔歲半費皆樂於赴功幣不支而事竣吏胥竟不得索一錢後遷知府

周憲 安陸人進士正德間任知府才備黨割夾若流陞九江兵備副使罵賊遇害

方宸 新繁人進士正德間任同知清白自持時太守重罰餞宸每陞堂蹙眉而出人


服其廉醒知府

喻河 廣西舉人正德間任通判才通敏時洱河泛溢沒民田地乃令民間各具草束

遂自乘舟探河尾淺處卓木為城以草障瀾疏泄之因著為法三年一濟

杜翔 四川人正德間任浪穹令鑿渠灌田興水利

高公韶 字太和內江人嘉靖初由西臺以鯁直諫富民典史風裁惠愛懲好勸良更置



高 詒延師教其子弟風俗為之一變尋知邵事寬猛並用兩地俱祀名宦

任 轍 已縣人進士嘉靖間任知府誠心撫字嚴於馭吏時方有檄貨大青督責日至屬吏欲擇其尤者為獻公曰此非可繼之物汝不虞為民禍耶擲而絕之尋以憂去在郡

知 僅旬月至今民有隱憂則相謂曰安得任公

高 鏞 內江人進士嘉靖間大理同知儻有風節重修孔廟濬泮池修祭器樂器歷

兵部員外

王 朴 清平舉人嘉靖間任通判有才節平鳳繼祖除易門逆黨王一新

朱 官 安莊舉人嘉靖間知賓州愛民真切建書院修泮梁遷楚雄府同知

侯 問 清平舉人嘉靖間知太和縣通敏多才舊例府縣使億之費比邑里甲治辦又為

在官者侵奪費常十倍間欲為永逸之計自祭器燕几以及屏幃薪水之細皆繕治而區

分之選吏至出入民不知費累遷工部主事苑馬寺卿

龍 翔 霄 武陵舉人嘉靖間任太和縣熟諳吏治聽訟無大小皆自決他郡邑有獄不決

或有難事悉委之太和倉有積粟吏虞絳朽獲罪霄春粟得米出陳易新民免困累而積

貯之數無虧上官下其議行於闔省後遷南京兵部主事

蔡 紹 科 黃巖人嘉靖間任知府有便民四事省里甲治道途立市肆作官室至今稱

之

周 昆 永寧人嘉靖間通判讞獄明決時監司以法繩下羣吏恐怖會有冤獄衆莫敢

辯昆獨再三爭之監司疑其不實納賄竟抗執不回其冤乃自

**劉璧** 雅州人嘉靖間任太和知縣廉介慈惠捐俸修治祠典愛惜民力民頌不衰

**莫天賦** 海康人進士萬曆初任知府慷慨有為岳鳳之變城守戒嚴人情洶洶適天賦

覲還調度有方百姓安堵陞按察副使

**莊誠** 成都舉人萬曆中知趙州以興廢為已任凡關典禮器物整飾不遺麗江瀾滄

二土官構訟各懷金行賄誠執使封金聞於當路俱置之法永平汰兵作亂所過雞犬不

寧誠百計周防賴以無事至於清淨糧釐登發疏水利修舉鄉射禁食毒草凡利民生全

民命者無不力行之三百餘年竟無州志自誠始修之

**陳輔** 江西人萬曆年間任鄧州知州履畝均田能消影射金錢出入毫無染指

**劉延齡** 綿竹人萬曆年間知雲南縣發奸摘伏人無遜情四境恬然民不見吏

**張名式** 湖廣人萬曆間趙州同知廉靜寡欲才識高明運餉卻金清田築堡卓有政聲

**常真傑** 廣西人萬曆間任鄧州知州至誠仁恕築隄開闢減金價惠政甚多

**周憲章** 思南人萬曆年間任雲龍州知州平段進忠之亂消林養中之變建州城立州治

創廟設學招撫流離清田畝定里甲裁冗減課經畫盡善

永昌府

漢

**鄭純** 字長伯鄭人明帝時西部都尉為政清潔化行彝猶君長皆獻珍頌德天子嘉

之以為永昌太守純與哀牢彝人約邑豪歲輸布貫頭衣二領鹽一斛以為常賦彝俗安

之後圖形東觀

**曹鸞** 巴人永昌太守時黨錮甚嚴鸞乃上書曰夫黨人者或者年淵德或衣冠英賢

此宜股肱王室左右大猷者也而久被禁錮辱在囹圄謀反大逆尚蒙赦宥黨人何罪獨不開恕乎所以災異屢見水旱荐臻皆由於斯宜加原赦以副天心帝怒殺之

**樂巴** 內黃人順帝時為永昌太守賦性鯁直學規經典靈帝初坐陳竇黨復謫守永

昌以功自劾辭不行上書極諫帝怒下獄自殺

**馮顯** 廣漢人順桓間守永昌政化允多異蹟

**蜀漢**

**王伉** 蜀郡人章武六年為郡相有保境功諡葛亮表為永昌太守封亭侯

**霍戈** 字紹先南郡枝江人章武末年為太子舍人後主踐祚立太子璿以戈為中庶

子璿好騎射出入無度戈援古規諫後為參軍康降屯副二都督又轉護軍統事如前時永昌郡彝僚恃險數為寇害乃以戈為永昌太守率偏軍討之遂斬其豪帥破壞邑落邊境寧靜遷監軍翊軍將軍領建寧太守

**晉**

**孫辯** 江陽人為永昌郡從事太安元年上南中形勢七部斗絕應復置寧州以相鎮

慰冬十月置寧州人由孫二平世跡顯貴

**唐**

**張羅疋** 南詔清平官永昌郡都督以破蠻功陞大監軍有碑在城南稱其義勇有度量

**楊興** 郡人蒙時為布燮天寶八年率所部入附聖書褒義旌其門子孫世為永昌酋



長歷段高二姓洪武初其裔貢馬領所部歸附

元

段阿堅

大理人以都元帥守永昌威德並著

信直日

大理人中統二年世祖賜虎符詔領大理善闡昆明威楚統矢建昌騰越等城

自萬戶以下皆受節制至元元年破舍利畏於威楚安寧三年賜金銀衣服鞍勒兵器十一年為大理總管遣石買等誘舍利畏殺之後受重賞於是置郡縣署守令平賦役施政化與中州等十三年受行省命禦緬寇於金齒南甸以功屢授大理蒙化金齒等宣慰使十九年迎雲南征緬之師率於金齒子阿慶襲爵屢遷鎮國上將軍大理金齒等處宣慰使都元帥

守永昌

明

李觀

壽州人初名觀音保仕元為雲南行省左丞明初兵至會城梁王自沉觀率父

老以會城降遂從傅友德為裨將帝嘉之賜姓名洪武十八年命鎮金齒署永昌府事既至宣朝廷德意討叛酋段惠誅之開拓城池申明律令邊境肅然

胡淵

定海人初李觀建郡城於太保山下觀卒洪武二十八年淵拓而上之林俊創

名宦祠於學宮淵首與焉子琛字廷貢文雅未

胡誌

琛之子儀度嫻雅有祖父風正統初襲父職從征麓川提銳卒為前鋒有功陞

雲南都指揮僉事尋陞都督僉事還金齒在鎮二十餘年外輯內寧人民安堵

陳昇

金齒司指揮使正統十一年麓川平丘部侍郎侯璉奏調騰衝司掌印築城濬

池墾闢田野

郭本

字道充融縣人天順間以監察御史左遷永平主簿剛直廉介拓縣治綏流羈

常言永平小邑不宜冗員後召還遂上疏請裁至簿不復設

嚴時泰

餘姚人進士嘉靖二年永昌復府之初奉勅來守時方草創制度濶畧人心未

安乃立法定制修輯署宇綏衆瘡痍控制羈服撫馭卒任督博士弟子勤視課業以風勵

文學所著有專城錄一卷

陳嚴之

萬曆間任知府廉威遠播崇重正學以破緬功陞兵備

戈中和

南充人進士萬曆中任知府政務安靜時緬蠻於金騰沿邊市牛鹽意在窺覘

中和謂當遏其漸乃請於巡撫力禁之

陳錫爵

廣東人天啓間任府同知殲叛彝懲師至脩祀典嚴保甲清軍餉別士類興利

剔蠹摘發不爽貨成者稱神君焉

張元諭

浦江人萬曆間任知府廉介方正上官有索庫羨者諭以庫簿示之遂止禁火

葬及婚喪奢禮稅以儉朴

楊文舉

南充人進士萬曆間任保山令敏才雅量勤課諸生築城臺以便守禦行取給事

中尋典試雲南所拔得人

陳師

字思貞錢塘舉人萬曆末年任知府嚴禁通彝并治材官悍戾以靖軍民探守

矚然不滓

戴希灝

柳州舉人嘉靖二十一年任府同知體悌廉明絕請托御彝金興水利勤講課

在任八載遷長史去之日行李蕭然士民泣留道今崇祀

宋儒

峽江人舉人萬曆初年任府同知廉介體梯禮士愛民征阿波堵魯凹力阻殺

降去任之日士民遮送不絕

李輻

字文興吉水人例貢萬曆間知騰越州

竟日不敢弛其為武衛見憚類此會出南關閱集市者數千人肅然無聲時方採寶石於

猛密彝會素聞輻威望對商人曰委官得如李公來必持官蠟不攜賈貨欺擾我土未久

去官士民思之

杜可教

德陽舉人萬曆初年知騰越州清廉惠愛禦緇緇有功士民思之

孫衣

清平舉人萬曆間知保山縣杜喧寨饑送愛民而嚴吏後陞雲南府同知益有

治聲

鄧子龍

字雲卿江西豐城人奮跡行伍萬曆十一年為永昌參將持重多謀慷慨任事

絕人犯掠施甸焚殺極慘子龍迫及於攀枝花大敗之斬景宗真以靖邊甸擒罕度父子

以開耿馬提莽裕以平阿坡築建關城多其指畫能詩工書有古名將風鎮姚關關清平

洞平丁苴白改後陞邊帥屢立戰功有枕戈集行世

劉綎

江西南昌人父為總戎綎不假恩蔭自立武功萬曆十一年以遊擊領騰衝守

備事擒岳鳳曩烏綎寇不敢窺邊招思忠莽為遠彝傾心志在滅緬功已垂成宵人中阻

扼腕而去平播竹征關白功業甚著積勲至大帥勇畧雄邊推為名將

楚雄府

雲南通志

卷之二十一

名宦

五

明

朱守仁

徐州人洪武十五年知楚雄府撫民勤政招集流移授以田土均其賦役建學

校鋤強梗境內大治去任闔境保甯不獲垂泣而送

袁義

瀘江人前任羽林右衛指揮同知洪武中沐英遣守楚雄時蠻彝叛逼義積糧

高壘調兵力戰蠻遂遁去陞楚雄衛指揮使墾田築堰修城郭建橋梁區畫久遠之計入

覲上惜其老令醫為染其白髮俾仍撫治以威遠人後徵還歷官都督僉事卒賜祭塋

馬良

山西黎城人正統五年知楚雄縣鞭直不阿政尚簡易凡有益於民者行之必

力去後民懷之不怠

鞏珪

貴池人監生正統中為黑塩井副提舉侃直任事秩滿父老遮留不忍別去

許澄

浮梁人景泰間以御史來守郡興學育才釐奸革弊盜賊遠遁民賴以安陞廣

西按察司副使

鄒慶

思南人景泰間知鎮南州處已廉能闢街衢立公廨興學息盜後陞姚安知府

邵敏

湘陰人進士少以孝聞成化間知楚雄府勤恤民隱初郡民不諳絲枲敏為市

桑麻木棉教導士女紡織六事咸舉修郡志一郡文獻始備既去軍民立祠祀之

李純

桂林人成化間知鎮南州黎已恤民耻為阿私修雨壇廟後陞南昌知府仁慈

恤衆廉潔無阿修輯壇廟百廢俱舉

鄒傑

京山人舉人成化間知廣通縣清謹惠和布衣蔬食始終如一建學校置學田

積粟備荒其後邑人以非門者百餘人兵火饑困賴賑濟焉

吳永 平樂人成化間任黑鹽井提舉井有蛟  
為害民患衝决永于北門作石壩鑄鐵

牛鐵索各七鎮之  
害遂息民德之

虎 麟遊人慷慨有氣節先是成化末貢入  
太學聞萬歲山架棕棚登眺上疏極諫

憲宗奇之祭酒費閻懼其賈禍迺鳴鼓聲其  
罪鑕項以待俄而中官傳旨曰爾言是吏部

銓選七品正官授磚嘉知縣始至黜奸崇良  
招無彞裸次年委勘景東土官讎殺事彞授

賄力卻遂中毒  
死邑人懷之

朱繼祖 高安人弘治年任知府建兩廡號舍偕  
同知曾顯建會講堂以誨生徒

范璋 餘姚人進士任工部主事弘治間忤權  
貴謫呂合驛丞尋陞知楚雄縣事卜遷

學宮於勝地非蓮池水以灌  
泮壁誨勵諸生後所成就

蔣哲 貴州衛人舉人弘治初知廣通縣剛介  
廉明沐府人有恃勢作威者哲按治如

法卒于官  
百姓哀之

董朴 麻城人進士正德間知楚雄府勤于講  
學諸生有貧不能婚葬者捐資為助增

祭器建學舍立峭堡課農桑陞江  
西參政行日士民悲泣不能舍

祝弘舒 溫江人進士嘉靖癸未知楚雄府因俗  
為治尤篤意文教易五顯祠為龍崗書

院卜遷學宮以當形勝策勵諸生人文崛起  
丁亥冬武定鳳朝文之亂區畫城守遠近避

亂者歸之舊題名碑云遷學見聯捷  
之效守城垂活人之功蓋實錄也

李邦表 蜀定遠人進士嘉靖丁酉知本府事廉  
介之操久而不渝建聚奎樓聚徒講藝

懲奸正俗  
境內肅然

傳昂

金溪人舉人嘉靖壬子任府同知剛正不阿廉明自斷嘗收軍儲洞知賄納之

苦議請減徵事垂成而公以

何應和

東莞人嘉靖丁巳年知南安州單騎赴任出不乘輿暑不張蓋撫民以仁禦盜

以信境內肅然後以終養歸踰年有安竈之變咸曰何公在當不至是

荀

誥

華陽人舉人嘉靖甲辰知南安州性剛操潔攻苦茹淡人所不堪值州境安竈

堡彝賊焚掠千里人莫敢櫻其鋒渠魁數十人皆闕勇黠智撫之不聽勦之不能勝詭出奇設策攻入巢穴伏兵格殺之並哨于要地調官卒守禦民感其德立生祠祀之

戚

慎

宣城人嘉靖間任知府清介不染不畏強禦卒于官囊無餘財察屬贖錢殮殮

區元晉

新會人嘉靖末年知鎮南州好士而愛民修建廟學又重修州之東西二城樓

吳習

赤水衛人監生嘉靖間知廣通縣仁恕公廉不畏強禦不濫科徵凡公署橋梁

靡不修飾邑人感之陸順州知州

張大亨

全州人弱冠領鄉薦謁選候長安邸中嚴嵩初入相為其大父尚書陞川先生

門人遂引疾歸終嚴嵩在政府二十餘年不出及罷相始出判端州隆慶戊辰擢楚雄郡丞攜一蒼頭一稚子灑然甚適也于吏事迎刃而解芟除九場巨憝郡民依依若孺子之慕父母比代守者入覲以經費不能給中道徑歸其家

黃袍

南克人隆慶間以定遠令署鎮南州修建土城買置義地

張九歌

曹州人萬曆甲戌知楚雄府廉明果斷有倚勲勢于部內誅求者力裁抑之不

能行其志而去以內艱歸

顧 閔

清平人萬曆間任楚雄縣知縣年尚少性術慈厚見刑非其辜者惻然哀憐之

實畝清賦平盜恤苦遷趙州知州

劉名弼

長垣人嘉靖二十五年以通判吏目署縣事仁恕清慎創議建學克成厥功邑

之人文蔚起皆其力也

越民表

貴州宣慰司人嘉靖二十五年知定遠縣清直慈敏均徭役革長弊扶弱抑強

多惠政陞任湖廣軍民泣送

尹為憲

武陵人萬曆間知鎮南州推誠孚衆戢盜興賢重修鎮南磚城為一方保障

何居毅

晉江人本府通判萬曆間署鎮南州愛民造士修學宮置祭器經書祀州名宦

李 翹

大邑人萬曆初由雲南府通判陞南州州視民如子常均貢賦利民州人肖公

像 溫可貞殷輅為三賢祠尙存

溫可貞

東莞人萬曆間任南安知州沉毅多謀時鎮庄民施成信等乘武定之亂脅黨

肆掠貞率士民設畧誅之邊境獲寧

殷 輅

博羅人萬曆間任南安知州奉母至孝風動一州尤多惠政

劉之範

富順人萬曆間知廣通縣建城郭靖賊盜舉孝行培風水蒞任八載清正仁廉

愛民如子三薦七獎行取評事

周 銓

臨洮人崇禎癸酉知定邊縣廉潔剛方性堅金石博洽經史憫定邑文教未興

廣勵不倦去任之日行橐蕭然士民感泣

羅廷璠

豫章人崇禎時任知府下車備詢疾苦一切與民休息興學除奸政聲大著十

七年卒紳士軍民合詞呈請建廟大德十  
舉名宦仍肖像于關聖祠

姚安府

周

小

楚莊躡將戰死  
蒙氏立祠祀之

漢

韓說

與司馬相如同開益州領更  
弄棟蜻蛉諸縣有賢聲

唐

梁積慶

慶一作壽高宗咸亨中為姚道  
行軍總管時永昌蠻亂討平之

元

楊寶

招諭土人授姚安路判官克蔚州曹州  
陞大理路治中時梁王與段氏構難兩

兵相持有兵亦供餉之苦  
實極力解之民受其賜

高明

姚安路總管天曆中入朝賜衣馬楮幣  
明年益起明招流離撫携貳關汗萊還

侵軼既又繕修官舍郵傳以至民  
賦軍儲無不究精父老咸稱慶幸

明

戴都

江西籍洪武初以指揮守禦姚安姚僅  
土城仍唐舊制甚濶難守撤而小之易

磚石至今  
特為保障

岑斌

錢塘人征雲南有功陞姚安千戶洪武  
十七年開設千戶所公署其所營繕尤

得士卒心及卒無慮會長肇興遂至自盤代  
不痛悼為之立祠

雲南通志

卷之二十一

名宦

三十七



高 惠

姚州州同洪武初率眾歸附時自久賊黨叛殺州官惠奮身擊賊追至白鹽井

擒之救免提舉熊以正等官

吳 潤

武進人永樂間任知府政尚循良白鹽井井瀆竭課虧潤為奏豁逋課竈丁德之

馬自然

字性之內江人進士任知府誠心愛民大石泐水散盜民不均惠乃築堤開東

西二閘以時啓閉至今利賴焉

劉 昂

字廷舉海豐人進士成化間以給事中謫姚州州判均徭平賦民甚賴之

任 弘

南充人進士弘治間任知府正大寬徐拓先師廟及門廡齋泮學陞左叅政

王嘉慶

字佑之內江人進士弘治間任知府秉性剛果不避權勢興利除害建東西南

三城甃石橋以通鎮遠靖工與吳凡萬餘兩蛤諸渠之水民不病涉

楊日贊

字堯臣揭陽人舉人嘉靖間任知府剛方廉潔斷獄明允葺却蠻荼毒民人流

移者眾為白諸當道除之又議設守備督營兵為守禦長久之計尋以家難棄官歸民皆

立石以頌其功云

莫 相

全州人舉人嘉靖間知姚州才敏行繁安鳳之變倡大義聚民得萬餘人晝則

張旗鼓以示威至夜登陴共守衣不解帶賊憚而不敢入後陞四川僉事

李載贊

福建晉江人舉人萬曆五年任知府性嚴守潔居民罹於火為建火神廟時禱

而獲焉將三載竟自免歸士民攀臥道間車不得發囊中僅圖書數卷巡按劉維及一時

藩臬作高尙冊以遂其志僉事顧養謙為之序世稱卓吾先生不朽云

吳崇德

字東臯江南虹縣人監生萬曆間任提舉慈祥不苛恤竈以完課易貝以便民

竈戶居民  
咸稱其善

**周良士** 邵陽人舉人萬曆間任姚州坦衷潔履節約樸誠邑笑不輕慈愛軍民不設畛

域平差徭攘彘焚交訖之禍姚人日坐水火中公廉得其實不為時局阻嚇勘審最詳至

持亦確姚人崇祀名宦

**楊之彬** 麻城人舉人萬曆間任姚州慈衷潔守敏才卓識省獄訟平賦役蠲苦丁復鹽

市修學宮一郡利弊盡為釐舉其大者開拓城廓焦勞拮据夜以繼日甫半載城池改觀

百年保障深心大畧具見作為

**張喬松** 江西新喻人進士萬曆二十三年以叅議守道政治有威有惠捐資建文峯塔

于南山以培學宮風水支運大振知府蔣輝與有經書

**黃澍** 侯官人舉人正德間任知府開朗平恕有巨室以贖緩弗給久淹囹圄為之區

畫以完籍其室為棟川書院商人徐順募姚人徐永勝負八百金詣省中途被掠因歸答

承勝拘家屬十三人傾產償之仍坐死獄公知誣遂懸重賞伺得其賊朱能徐友諒擒之

集金與商遂釋十三人郡中以為神明

**趙良革** 字居實汀州人進士嘉靖間以員外郎陞知府廉明剛直初吏解在府外公遷

之以便隄防有梗弊者力黜之卒于官士民悲悼

**王鼎** 字汝調汝州人進士嘉靖間以御史陞知府嚴明清慎修城池繕府治禁婦人

不得市易惟事桑麻至于防寇化蒙皆所究極姚俗為之一變

**陳祥麟** 字伯仁莆田人進士嘉靖間任知府力清利弊鄰郡重獄未決者咸委質焉姚

人頌為青天  
以內艱去

何勣 字毅夫 枝江人 舉人 嘉靖間任知府 平

之不及遂 易寬仁 修築夾口壩 注水以濟大石棚

王德純 字一之 羅田人 舉人 嘉靖間以御史任

知府 剛明正大 不事煩刻 新棟川書院

趙對 安福人 官生 嘉靖間任知府 練達典故

州所丁糧徭役 凡舊事之偏駁者 釐而

正之 從此稱平 至祭器射圃 經理井然 嘗銳

趙恒 晉江人 進士 嘉靖間任知府 有才識 尤

明決 訟曲直 莫能逃 所著有春秋錄疑

李忠臣 陝西涇陽人 舉人 萬曆間以副使任守

道 敦大簡重節愛 精詳開建城池 為百

周希尹 宜山人 舉人 萬曆間任知府 通才 禦守

持大體 簡煩苛 所屬禮貌不假 借土官

童述先 沂陽人 舉人 萬曆間任推官 署府事 自

定變亂 法紀凌彝 民力凋瘵 述先革軍

孔元德 威清人 舉人 崇禎間任知府 姚境 地土

曠遠 早滂不特 各湖澗水 艱于全濟 元

鶴慶府

德親履 擇地捐俸 添築豐樂湖 聚水灌漑 遂

元

高惠直 鶴慶路人為本路總管有德行衆所愛戴

明

林適節 莆田人進士歷官刑部主事廣西慶遠通判瀘州知州時鶴慶土官知府高倫

暴虐靖遠伯王驥奏革之即薦適節為流官知府正統八年蒞任撫治彝民壇廟驛堡多

所脩建規制一新

胡信 丹徒人進士正統間知府有興學造士之功

張海 德州人進士成化間以太僕寺卿不屈中貴出為知府愛民教士卓有政績弘

治元年陞順天府尹

劉珏 內江人進士弘治間知府有惠政民彝信服歲凶盜起捐金賑濟以活饑民盜

賊由之解散致仕歸以子貴贈戶部侍郎

孫偉 靖江人進士嘉靖間知府威輯強暴去之日民號泣不忍離

馬大卿 林縣人進士任知府脩築堤壩水利均平與諸生談經講性多所造就

桑荆初 永寧舉人萬曆間知府剛果嚴密錮暴扶良脩學之功尤著

郝汝東 山陰舉人萬曆間知府體悌廉明先是北衙礦課累及里甲會進盈科以恤使

至汝東與謀極力丐免盈科特疏請蠲民賴休息建祠祀之

余庭檟 勸縣人萬曆間任知府意在興除特法無假貸催科擬兩稅之限礦課擬什一

之法民賴以甦蒞事期月弦轍更易竟成勞瘁將卒聞猾胥乘間壞法猶忿恨草檄逮治

百姓傷之為勒石開追感名曰哀思

劉璧

壽光舉人任同知周知民間疾苦聽斷執法人不敢于以私

張廷俊

鄞縣舉人任同知均水利訓社童嚴冠賊惠政實多

于大節

任丘人進士以御史調鶴慶推官清直自持蒞政三年豪惡屏跡官至山東按

使

姚大英

烏撒舉人永昌府推官視郡篆清介不築毀淫祠清吏弊人心悅服及去士民

送

鄭恩

當陽人由吏員萬曆間任府經歷惠愛及民不事獻科諸所暨立卓然有聲

越民牧

貴州舉人知劍州州以才能稱百廢備舉去任士民立祠祀之

李先芬

忠州人選貢萬曆間任順州知州性淡泊有才幹創州城社學墾田增戶有古

良吏風陞永昌府同知

陳開泰

字茹連廣東三水舉人崇禎庚午以南戶部郎中知府事愷悌廉靜歲饑作粥

全活無筭辛未文廟災竭力鼎建罷羨耗御陋規賑北衙水災遷副使備兵威清士民遮道泣送逾年卒於官身無長物鄉人胡平運賻以歸

順寧府

明

余懋學

貴州舉人萬曆間任知府時郡初設流凡城池官署學宮祠廟錢糧賦役皆所

經營裁定一十八年猶一日也陞金騰道

雲南通志

卷之二十一

名宦

蒙化府

明

劉童

福建人永樂間知蒙化州以惠政為彝人感慕

蘇海鎮

太和人洪武間以經明行脩辟授蒙化學正忠信化俗

許尚

陝西舉人萬曆年任同知清慎嚴明愛民禮士繩奸緝吏境內肅然

忠烈

元

仁通

雲南省理問廉訪副使朵兒赤之子大曆二年三月雲南諸王與萬戶伯忽等

叛仁通率官軍抗之歿於陣

馮文舉

四川什邡人初舉鄉試授漢州學正達魯花赤燕僚佐以一手致酒舉不受隱

去次科登進士第仕雲南儒學提舉至元間明至珍攻雲南城將陷文舉謂其妻曰某受

國恩愧不能退賊今有死而已爾光州馬中丞孫女也其從之乎馬曰夫以義亡妾生何

益遂焚香北拜俱益於學宮

驢兒達德

為雲南行省右丞初達里麻既敗梁王聞之率其母嘉禧妻忽的斤等百

餘人乘舟趨昆明池謂驢兒等曰我宗室無降理仰藥死妻子皆死之驢兒達德既進毒

於王亦皆自殺妻子從死者幾二百人

董文彥

通海人天曆間任威楚路知事申慶鎮將敗狐叛攻威楚官吏皆遜彥獨死守

城陷賊欲降之彥怒罵賊不絕口賊截其耳使啗之彥嚼血噴賊遂遇害明年敗狐伏

誅事聞賜諡莊愍官其子時中為祿豐主簿

明

王用之 鎮南人宣德間以監生任交趾慈廉州知州適交趾叛欲用之執節不屈被殺

後同何忠等贈官恤後

孫華 臨安衛前所百戶孫謀之弟成化十九年撤甸彝亂當道奏請往征華勇敢赴

鬪歿於軍

高棟 姚州土舍弘治十六年會賊叛棟同夫理指揮唐永擊之棟奮勇殺賊十餘人

追至板橋驛遇伏隻身還戰中十餘鎗死廼撫嘉其義勇以禮歸葬之

邵謙 臨安衛左所百戶正統六年征上江刀招罕塞克破排柵又攻馬鞍山戰歿

葉晟 臨安衛後所百戶性果毅嫻方畧正統間征上江奮勇殺賊歿於陣

董寶 大理人南詔清平官董成之後洪武間任順寧土經歷清敬慎勤部民安之後

以累功遷大理府土經歷麓川之役多著勞能以死事諭祭

李繼兒 鶴慶禦前所百戶正統六年從征麓川力戰死子轅痛父死奮入賊營亦死靖

遠伯王驥以事聞詔遣官諭祭贈繼兒武畧將軍副千戶轅忠顯校尉管軍千戶鎮撫仍

錄其子孫優恤賞賚

徐樾 字子直江西貴谿人任左布政使嘉靖間元江郡盤叛率許降撫臣以大吏往

撫樾行被殺贈光祿卿

張澤 字義甫江南桐城人由選貢任廣安州知州嘉靖間以治行卓異擢僉臬後督

兵討鳳繼祖敗績被執馬  
賊而死贈光祿寺少卿

**楊忠惠** 和曲人寄學雲南府嘉靖間鳳繼祖叛軍門議招降賊營以散其黨無敢前者

惠奮義請行賊執之忠惠不屈以  
蠻語罵賊賊怒殺之死甚激烈

**楊廷瑚** 郡人嘉靖間歲貢生倜儻好義值土賊阿旦之亂郡守往討廷瑚率鄉兵助之

奮勇力戰竟死於陣

**高鵠** 土舍多謀幹善騎射常分捕諸彝斂跡不敢為寇嘉靖三十年元江之變布政使徐樾遇害鵠奮身赴

救死之事聞優恤其後

**程世勳** 後衛百戶嘉靖四十五年官兵討鳳繼祖世勳奉檄護餉至金沙江因令督偏師出哨至波羅結堡陡值賊眾力戰死毋孀居子道南方在襁褓妻蕭氏年十八矢志

水霜事姑撫子垂五十年而終道南亦以孝聞有司上其事姑婦同入祠祀

**蘓夢陽** 萬曆三十五年任祿豐知縣時鄭舉等從武定寇祿豐夢陽率民兵力戰至元旦方朝服視釐賊眾擁至被執不屈死之男蘓萬民為父上疏奉旨贈光祿寺少卿廕子

立祠

**龍旌** 趙州人舉明經萬曆間為嵩明州學正賊攻嵩明旌倡大義效死不去比城陷被執罵賊而死詔贈國子監博士

**常宗孝** 萬曆三十五年任嵩明州吏目楊禮等攻嵩明城陷宗孝闔門死之詔贈本州同知廕一子入監讀書

**唐俊德** 紳

**周之麟** 庠生

**陳宰** 百戶

**李印** 土官俱

祿豐人



萬曆三十五年鳳賊攻掠縣治德等  
血戰被殺有司具題崇祀於忠烈祠

諸藩裕

尋甸守禦指揮萬曆間大理保作難寇  
尋甸藩裕與千戶戚貴卿陳萬國士舍

資有能皆  
赴敵死之

郭俊義

山西平陽人萬曆間任陸涼州莊政嚴  
明苞苴屏絕有膽力天啓間設科入境

焚劫乃率鄉勇家  
丁禦之沒於陣

王應爵

郡千戶萬曆丁未鳳逆之亂以  
孤軍死戰城陷全家俱自焚

吳繼勳

楚雄衛指揮使號南松勇智絕倫弱冠  
掌衛篆萬曆間督軍征緬屢戰屢捷緬

人恨之孤軍深入遂陷時年三十骸骨盡  
失事聞賜祭於演武廳子起周襲其職

邵元齡

陸涼人世襲指揮有能名天啓間巡撫  
代巡薦為通省世職第一明季擾攘沙

未定洲作亂趙應元攻陸  
涼城陷罵賊不屈而死

程坤

昆明人以武進士為幕府贊畫天啓間  
陞四川總兵中軍會西路捷率兵赴援

至畢節城陷被執不屈而死月餘精英  
屢見時聞陰風中有為厲鬼殺賊之語

周嘉映

字扶龍雲南中衛人天啓間以武舉署  
雷平守備值雷益諸彝多不測時正發

兵援蜀映以密書告變謂蘭州之患遠在千  
里雷益之憂近在目前宜密為之備語洩諸

彝皆恨之後從叅將尹啓  
易討賊馬躡為賊所害

李加培

平彝衛指揮天啓間  
與周嘉映同死於陣

曹三捷

平彝衛指揮天啓間平彝諸蠻擾亂陷  
衛城官吏士民皆奔獨三捷與賊戰死

左重

蒙化人萬曆甲午舉人主標卓偉尚名節  
天啓年授灌縣知縣慈廉明斷會奢崇

明反自重慶窺成都圍城數匝城中堅守望  
援重聞變榜示所部謂灌去省咫尺且北控  
吐蕃首尾皆受敵惟鼓行入首兩全而有功  
邑人聽之遂肅隊薄城賊釋圍接戰死鬪不  
却力竭馬蹶罵賊而死事聞贈光  
祿卿廕子蒙化衛千戶建祠崇祀

**周二南**

字汝為郡人天啓間選貢授長沙府判  
超陞岳州知府士民遮留不得行改陞

本府知府闖賊犯瀏陽南率兵剿禦鏖戰竟  
日後軍不繼遂死於陣事聞贈太僕寺卿祀

忠烈祠廕  
子入監

**席上珍**

姚安人明末鄉薦流寇入滇上珍與姚州  
知州何思據姚安城固守孫可望令張

虎領兵攻擊城破上珍與何思被  
執不屈賊剝其皮至頸罵聲不絕書入各間

**朱永吉**

字飛之廣西桂林人精天文術數初客  
黔投傅宗龍幕中安邦彥圍黔永吉解

圍有功後隨宗龍至滇崇禎間滇巡撫王伉  
討奢名聲題授遊擊屢破賊衆為聲名所憚  
後因吾必奎通賊永吉身被重傷力戰不已  
各會諸軍皆潰自刎死偏將趙能馮忠葬於路  
側趙能亦自刎事平題  
請廕一子世襲百戶

**高其勳**

字懋功馬龍武舉初襲馬龍所指揮明  
末以才能陞沭鎮中軍吾必奎反授參

將守武定後汝定洲反攻武定勳竭力守禦  
圖月餘力竭城陷服衣冠哭拜飲毒而死遺

令從者  
焚其屍

**王信**

四川宜賓人崇禎間知呈貢縣奢名聲  
叛鎮撫令信為監軍敗績罵賊而死事

聞予  
贈廕

**朱家梁**

江寧人崇禎間任寧州知  
州會沙會焚劫罵賊殉難

**單國祚** 浙江會稽人崇禎末任通海典史管本縣驛務值沙逆兵破縣城坐堂上持印

罵賊被殺既死而篆猶在手握拳不開縣人葬於諸葛山下

**何天衢** 字升宇三鄉城人有勇畧阿迷州土酋曾名聲招為頭目使駐三鄉後崇禎三

年名聲謀逆擬三路出兵會戰昆明因遣鏡手三百名促天衢由維摩羅平一路天衢慨

然曰此丈夫報効朝廷時也豈可與賊反耶遂玩數鏡手率先歸順維摩署州事李嗣泌

開城納之時名聲已陷彌勒聞天衢反正患在心腹急徹兩路兵歸不敢大肆巡撫王伉

題其功授叅將守禦曾逾累功陞都督同知名聲怒甚自攻天衢名聲中砲死其妻萬氏

屢與之戰天衢勢孤糧盡舉家自焚死

**游大勳** 江南婺源貢生崇禎初任通判好士極民以才畧著曾名聲叛大勳督土舍王

**夫** 顯祖及郡人趙定周往禦營壘未立賊突至土兵奔潰勳正色當之遂遇害定周亦死崇祀

**徐道興** 河南睢陽人崇禎間以都司經歷署師宗州性廉潔不受民一錢郡多逋賦道

興激勸有方積逋皆完聞流賊將至泣涕曰流寇之禍慘烈中原吾恨不能食其肉耳丁


亥年流寇屠曲阜請興嘆曰力薄真微不能抗賊吾死分也爾士民何罪而罹此慘乎各率

家遠避勿顧我士民欲道興同行興厲聲曰社稷之臣死社稷封疆之臣死封疆吾志決矣言罷鬚眉欲裂眾皆泣去左右止一僕以

白金二錠屬之曰此朝廷俸物也念汝勤苦多年以一酬汝其一俟賊退置棺殮我僕擲

金大哭力請從死歷一白晝忽見塵起興曰賊至矣爾不即去我與爾皆無遺骨爾之過

也僕叩頭泣血狼狽出城賊闖入中堂興大



罵賊猶追其出迎賊首與愈怒以手中酒盃擊賊曰吾朝廷命官豈從賊求活者耶罵不絕口遂

遇害

**趙興基**

太和縣舉人崇禎年任廬州府判流賊被城著衣冠死於城樓

**尹夢鰲**

太和縣舉人崇禎年官潁州知州流賊破城具冠服殉難

**馮大成**

**尹夢旗**

**尹夢符**

大理人乙酉年汝定州之亂與兄夢旗

同馮大成舉義為賊執俱罵賊死夢符支解尤慘

**羅國嚙**

宜賓人順治丙戌年任雲南巡按汝定州陷省城不為屈行法自如流寇至國嚙

巡視被執至省縱火自焚死

**朱壽鏞**

明宗室山東兗州人崇禎末以部院徵兵雲南祿可望至曲靖被執不屈械繫

二十餘日強以食復大罵不食可望殺之題詩於壁云丈夫骨傲千秋青史丹心一片

留金碧有燐隨我化江山多故倩誰收煙塵已暗中原路風雨仍翻徹夜愁寧使忠魂歸

見帝肯教含詭對深雛與僕三人同遇害

**蕭時顯**

崇禎間任府同知加意民瘼留心政治任滿因道阻寄寓大理汝遂被城自縊

**楊畏知**

寶鷄人崇禎末任金滄道值涉逆圍楚雄力拒得全入滇不屈死餘詳大事考

**王士傑**

順治丙戌年任太和縣丞有治才汝遂圍城盡心捍禦死於城上教授段見錦

自盡於學宮經歷楊明盛同子楊一甲司獄魏崇治皆死之

**高拱極**

大理舉人孝友持躬風雅範俗順治丙戌年汝賊破城投池自盡督學謝於道

批獎

楊士俊

太和縣舉人順治丙戌年汝賊破城同母妻妹俱自焚死

楊憲

太和縣庠生丙戌年汝賊圍城憲偕拒守城陷憲妻媳女姪女孫女弟婦並婚

俱自焚死  
屢奉旌獎

陳禎

指揮應襲順治丙戌年汝賊陷城巷戰力殺數人而死

楊恣

大理人端方向義順治丙戌年汝逆破城罵賊不屈橫加刃杖宛而甦時年三十

因妻死節遂終身不娶

王承憲

楚雄衛指揮壬子科武舉授遊擊為揚畏知前鋒汝賊攻楚凡守禦之具皆其幹

理賊退而復至憲將中軍往禦土司那益等翼之大呼力戰士皆用命賊以砲擊之憲為

流矢所中弟承頊亦戰死全軍皆歿

張朝綱

廣通人崇禎選貢任源州同知致仕家居明末流賊至廣通綱謂妻馮曰曾受

國恩何顏對賊因同妻自縊不失左右序子廩生張耀勳絕復甦堊親之後亦自縊死

杜天禎

楚雄人中崇禎己卯鄉試少以忠義自負沙賊攻楚雄同副使楊畏知協守及

流寇至省畏知往禦敗績城中寇解天禎書北城樓壁曰滿城鼠竄恨滇南無一赤心男

子千秋電火求後世免一青史  
罪名旋至西城正衣冠自縊

劉廷標

號震起鳳上杭人薦舉任通判署永昌府印順治丁亥年孫可望入滇傳檄永

昌廷標賦詩曰甲申臘望迎哀詔已矢拳髯殉此身三載偷生慚後死今亡猶是大明臣

糜祿隆昌歷四秋慙無一善解民憂時艱且縊從先帝共結君臣萬古愁憶昔遶爺兩膝

時啓予每咏節廉詩於今清苦歸泉下儻得雙親慰可兒書畢從容自縊而死

王運開

字子郎蜀峽江舉人任推官署金騰道印順治丁亥年流寇至鎮運開與劉廷

標謀守瀾滄江拒賊時迤西震動人心已散乃與廷標對酌回郎自縊死

本朝

高顯辰

直隸灤州人康熙九年任雲南知府立品剛方蒞治嚴核胥吏不敢肆其奸吳

逾叛抗節不從遂杖於市戒永昌衛服毒以死事聞贈太僕寺卿廕一子入監讀書同知

劉崑江西南昌人亦於康熙九年任峻厲公忠不阿吳迤與顯辰並受杖戍騰衝衛隱忍

戍所始終不渝奉

旨仍以原官補用

楊應鶚

貴州貴陽府同知吳三桂叛兵至黔應鶚執義不屈賊械繫之後錮於蒙化及

大兵將入滇偽留守郭壯圖遣人至蒙欲執應鶚回省鶚設席燕飲談笑從容先令其妻

妾盡節隨自殺

徐升耀

元謀人羅羅副將奉遣往蜀招撫王屏藩不屈被害奉

旨嘉其忠義贈左都督賜祭葬

陳珀

福建泉州府惠安縣人由將材吳迤變亂授偽親軍水師前將軍於康熙十八

年正月十八日傾心帶印率領全標官兵大小船隻盜甲什物燒營獻岳州城投誠

部覆奉

旨加左都督授為援剿左路總兵官在安南衛沙

子哨身先士卒奮勇殺賊陣亡經前任總督

蔡毓榮題報准兵部議覆蔭一子以守備用

**閔洪標**

河南開封府人由百總歷官雲南提標前營遊擊在安南衛沙子哨與賊對敵

衝鋒直上射象殺賊陣亡經前任總督蔡毓榮

題報准

兵部議覆議卹廕子弟一人以守備推用

**林宗珍**

福建漳州府龍溪縣人由廕生於康熙二年投誠歷官雲南提標後營遊擊在

安南衛沙子哨與賊對敵奮勇衝鋒直上射象殺賊被鎗子打傷頭額陣亡經前任總督

蔡毓榮

題報准

兵部議覆議卹廕子弟一人以衛千總推用

**包汝才**

湖廣人湖廣援剿左路鎮標中營中軍守備在沙子哨奮勇殺賊陣亡陞北勝

州康熙二十五年奉

旨贈都司銜書遣官

諭祭

**羅喜**

廣東人湖廣援剿左路鎮標右營右哨把總在沙子哨殺賊射象奮勇陣亡陞

蒙化府康熙二十五年奉

旨遣官

諭祭

皇清通志

卷之二十一

七十四



